

**Zeitschrift:** Schwyzerlüt : Zytschrift für üsi schwyzerische Mundarte  
**Band:** 3 (1940-1941)  
**Heft:** 10-12

**Artikel:** Vermahnlied an die Eidgenossenschaft  
**Autor:** [s.n.]  
**DOI:** <https://doi.org/10.5169/seals-178336>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 30.03.2025

**ETH-Bibliothek Zürich, E-Periodica, <https://www.e-periodica.ch>**

## Us der Novara-Schlacht.

Der Niklaus wird mit jeder Minute läbiger. Er chunnt so i nes Wäse, daß er sech nienemeh cha still ha. Bald wüsch er ufem Tisch alles a ne Hufe, für ufe Tischegge z'sitze. Chuum druffe, stürmt er wieder dür d'Stube, wirft e Stuhl um, hocket uf ds Bett und de wider uf ds Fänschterbänkli und luegt use, daß mer meint, jitz — jitz schießen ihm Fäcken und es nähm ne dervo. Der Ritter füllt der chalt Ofetritt und lachet mit syne Märmelouge d'Stube voll. Es wunderti d'Frou Kätherli nid, wenn d'Stuben obem Yäs vo dene beide Mannen us der Fuege ging. Es nimmt se sälber dry. Aber äbe, da seit ihre Chlöusi wider: „Furt mueß i, furt! Mueß Luft und Wyti ha. I cha hie nüt mache, solange eim alles d'Ohre voll stürmt vo der Novara-Schlacht“.

„Jää“, underbricht ne der Ritter, „es isch sech wohl derwärt, echly Lärme dervo z'mache. Es isch sogar guet, damit me nid so gschwind wider vergißt, was mr sy. Los nume, was si erzelle, der Ludi vo Diesbach und anderi, wo derby gsi sy! Wo d'Sunnen ufgangen isch, heige si sech alli gseit, so, jitz syg's uus mit der Schwyz. Es settigs Heer heig me de sit de Tage vo Murte nümme vor sech gha, nume daß jitz no vielmeh Gschütz derby gsi sygi. Und e Rüterei wie di französische vor Novara syg überhaupts no nie binenandere gseh worde. Und Schanzzüüg und e Fäldburg und Gott weiß, was alles. — Und üsi, es Hüüfli Manne im Gstrüpp, es heigein dunkt, me müeßi se-n-i de Stude zsäme-sueche. Und em Aben achttused Franzose gstreckt im Gras und i der Wyti es Gwädel vo Roßstilen in ere Stoubwulke. Di französische Kanone syge verloren i der Bluetsuppen umenand gstande wie d'Füüröfe vo mene stübis und rübis niderbrunnene Dorf. So — jitz wüset dr, was d'Eidgenosse sy!“

Rudolf von Tavel. Us „Meischer und Ritter“.  
Verlag A. Francke AG., Bärn.

## Vermahnlied an die Eidgenossenschaft.

O usserwelte Eydgnosschaft  
hab Gott vor augen tag und nacht,  
er het üch gän ein fryes land,  
in dem ir alli notturfft fand.

Das land ist wol beschlossen yn,  
denn Gott ist selbst der murer gsin,  
ir seid ein kreftig fürschtenthumb,  
hend druf wol acht und dankt Gott drumb.

Sind gr'üst zum stryt, wann kommt die zyt  
und fürchtend tusend tüfel nüt;  
bruchend nur euer schwert mit muot,  
so Gott will, wird dann s'end schon guot.

Us em 16. Jahrhundert.



Urs Graf 1485-1524.

Us „Die Schweiz“, 1941.

SCHWYZERSOLDNER